

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 263750 25 St  
Zenica, 02.07.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom AURUM TRADE d.o.o. Kakanj, ul. Alije Izetbegovića niz "C", Kakanj, koga zastupa direktor Božidarka Miladinović, na ročištu 02.07.2026. godine sljedeće:

#### R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

#### O b r a z l o ž e n j e

Predlagatelj AURUM TRADE d.o.o. Kakanj, ul. Alije Izetbegovića niz "C", Kakanj, podnio je prijedlog za otvaranje stečajnog postupka nad društvom AURUM TRADE d.o.o. Kakanj, ul. Alije Izetbegovića niz "C", Kakanj, 04.08.2025. godine.

Zakonski zastupnik predlagatelja je na ročištu izjavio da u cijelosti ostaje kod prijedloga za otvaranje stečajnog postupka i nema primjedbi niti prigovora na Izvještaj privremene stečajne upraviteljice.

Privremena stečajna upraviteljica je na ročištu za ispitivanje uvjeta za otvaranje stečajnog postupka održanom 19.05.2026. godine i nastavku ročišta održanom 02.07.2026. godine izjavila da prema finansijskom izvještaju, odnosno u Bilansu stanja na dan 31.07.2024.godine iskazana su sljedeća stanja koja se odnose na imovinu, gotovinu, zalihe, potraživanja i obaveze i to kako slijedi: Dugoročna imovina 0 KM, Odgođena porezna imovina 0 KM, Kratkoročna imovina 0 KM, Dugoročne obaveze 0 KM, Kratkoročne obaveze 52.423 KM, da prema finansijskom izvještaju, odnosno u Bilansu stanja na dan 31.12.2024.godine iskazana su sljedeća stanja koja se odnose na imovinu, gotovinu, zalihe, potraživanja i obaveze i to kako slijedi: Dugoročna imovina 0 KM, Odgođena porezna imovina 0 KM, Kratkoročna imovina 0 KM, Dugoročne obaveze 0 KM, Kratkoročne obaveze 52.423 KM, da prema finansijskom izvještaju, odnosno u Bilansu stanja na dan 31.07.2025.godine iskazana su sljedeća stanja koja se odnose na imovinu, gotovinu, zalihe, potraživanja i obaveze i to kako slijedi: Dugoročna imovina 0 KM, Odgođena porezna imovina 0 KM, Kratkoročna imovina 0 KM, Dugoročne obaveze 0 KM, Kratkoročne obaveze 52.423 KM. Izjavila je da je u spis suda uložena Potvrda o statusu računa za stečajnog dužnika izdata od ASA BANKA d.d. Sarajevo od dana 12.03.2025.godine u kojoj se navodi da stečajni dužnik ima otvoren transakcijski račun kod naprijed navedene banke broj: 1340200000329818 koji je u statusu blokiran i na njemu nema sredstava, sa trenutnom evidencijom osnova za blokadu i to: Tražilac izvršenja - PU ZENICA vrijeme prijema 23.09.2016.godine - Iznos za izvršenje 12,187.95 KM, naplaćen iznos 0.00, Tražilac izvršenja - KPU ZENICA vrijeme prijema 15.12.2015.godine - Iznos za izvršenje 372.70 KM, naplaćen iznos 0.00, Tražilac izvršenja - BUDŽET F BIH vrijeme prijema 15.10.2014.godine - Iznos za izvršenje 6,597.32 KM, naplaćen iznos 0.00, Tražilac izvršenja - PU ZENICA vrijeme prijema 18.03.2015.godine - Iznos za izvršenje 22,419.74 KM, naplaćen iznos 0.00, Tražilac izvršenja - PU ZENICA vrijeme prijema 28.08.2017.godine - Iznos za izvršenje

3,569.17 KM, naplaćen iznos 0.00, Tražilac izvršenja - PU ZENICA vrijeme prijema 13.06.2019.godine - Iznos za izvršenje 6,107.71 KM, naplaćen iznos 0.00, Tražilac izvršenja - BUDŽET FBiH vrijeme prijema 13.06.2019.godine- Iznos za izvršenje 847.92 KM, naplaćen iznos 0.00, Tražilac izvršenja - PU ZENICA vrijeme prijema 07.09.2020.godine - Iznos za izvršenje 323.52 KM, naplaćen iznos 0.00. Izjavila je da stečajni dužnik prema raspoloživim podacima nema imovinu koja bi eventualno činila stečajnu masu za pokriće troškova stečajnog postupka, tako da nema imovine koja bi bila predmet unovčavanja u eventualnom stečajnom postupku, pa shodno tome nije moguće pokriti troškove stečajnog postupka, predlaže da sud u skladu sa čl. 102. st. 7. Zakona o stečaju javnim pozivom pozove povjerioce i zainteresovana lica da u roku od 30 dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM, pa ukoliko niko u ostavljenom roku ne predujmi navedeni iznos da sud donese rješenje o otvaranju te i zaključenju stečajnog postupka nad imovinom društva.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:  
Protiv ovog rješenja nije  
dozvoljena žalba.

Stečajna sutkinja  
Sanja Pavlić